

ახალციხის მუნიციპალიტეტის მერის სათათბირო ორგანოს
„სამოქალაქო მრჩეველთა საბჭოს“ 2023 წლის 16 ნოემბერი
სხდომის ოქმი №3

ქ. ახალციხე

2023 წელი, 16 ნოემბერი

სხდომას ესწრებოდნენ:

ირაკლი ლაზარაშვილი

ახალციხის მუნიციპალიტეტის მერი

ილია ზარდიაშვილი

ახალციხის მუნიციპალიტეტის მერის პირველი მოადგილე

ვაჟა გაჩეჩილაძე

ახალციხის მუნიციპალიტეტის მერის მოადგილე

„სამოქალაქო მრჩეველთა საბჭოს“ წევრები:

1. ნუგზარ თათეშვილი
2. ცირა მესხიშვილი
3. ბელა ავალიშვილი
4. გურამი ჯინჭველაძე
5. გიორგი ბუცხრიკიძე
6. შალვა ტაბატაძე
7. ნიკოლოზ ხიზაძე
8. ციური ლაფაჩი
9. ვასილ კვინცხაძე
10. თამარ კაპანაძე
11. ალექსანდრე ლომსაძე
12. ნინო ხაზალაშვილი
13. რომან მაისურაძე
14. ნატალი სისვაძე
15. მეგი თათეშვილი

სხდომას არ ესწრებოდნენ „სამოქალაქო მრჩეველთა საბჭოს“ წევრები:

1. ამალია სარქისიან
2. ნინო რუხაძე
3. ომარი ჯაყელი

4. ნონა ონიანი
5. აშოთ კავალერიან
6. მათა გაჩეჩილაძე
7. ბიჭიკო მოდებაძე
8. ჯაბა ნათენაძე
9. მერაბ ბერიძე
10. მაკა ბერიძე
11. მანუჩარ გოგოლაური
12. ნათია ტაბლიაშვილი

დღის წესრიგი

1. ახალციხის მუნიციპალიტეტის მერიის მიერ 2023 წელს გაწეული მუშაობის შესახებ ანგარიში;
2. 2024 წლის გეგმები;
3. 2024 წლის ბიუჯეტის პროექტის პარამეტრები;
3. საბჭოს წევრების რეკომენდაციებისა და იდეების მოსმენა;

ახალციხის მუნიციპალიტეტის მერის, სამოქალაქო მრჩეველთა საბჭოს მორიგი შეხვედრა გაიმართა, რომელსაც მერი ირაკლი ლაზარაშვილი ხელმძღვანელობდა. შეხვედრას მერის პირველი მოადგილე ილია ზარდიაშვილი და მოადგილე ვაჟა გაჩეჩილაძე ესწრებოდნენ.

ახალციხის მუნიციპალიტეტის მერმა, სამოქალაქო მრჩეველთა საბჭოს წევრებს 2023 წელს გაწეული მუშაობის შესახებ პრეზენტაცია წარუდგინა.

ირაკლი ლაზარაშვილმა, აუდიტორიის წინაშე დეტალურად ისაუბრა მუნიციპალიტეტში მიმდინარე და დასრულებულ ინფრასტრუქტურულ პროექტებზე, ჯანდაცვისა და სოციალურ პროგრამებზე და აღნიშნული პროგრამების ფარგლებში მოსახლეობისათვის გაწეულ დახმარებაზე, კულტურის, განათლებისა და სპორტის მიმართულ ღონისძიებებზე, ასევე, მუნიციპალიტეტს დაქვემდებარებული იურიდიული პირების მიერ გაწეულ მუშაობასა და 2024 წლის გეგმებზე.

ახალციხის მუნიციპალიტეტის 2023 წლის ბიუჯეტი:

- დამტკიცებული - 30 მილიონი ლარი;
- 1 ოქტომბრის მდგომარეობით - 50 611 ათასი ლარი;

2023 წლის ბიუჯეტის ხარჯები პროგრამების მიხედვით:

2023 წლის 1 ოქტომბრისთვის ბიუჯეტიდან სულ გაიხარჯა 26 939,0 ათასი ლარი,

მათ შორის სახელმწიფო ბიუჯეტიდან გამოყოფილი დაფინანსება - 3 154, 6 ათასი ლარი, ხოლო ადგილობრივი ბიუჯეტიდან 23 784,0 ათასი ლარი.

მათ შორის გახარჯულია:

- ინფრასტრუქტურის მშენებლობა-რეაბილიტაციისთვის - 10 013,9 ათასი ლარი.
- დასუფთავება და გარემოს დაცვისთვის - 4 956,2 ათასი ლარი.
- განათლებისთვის - 3 900,3 ათასი ლარი.
- კულტურა, ახალგაზრდობა და სპორტის მიმართულებით - 2 920,7 ათასი ლარი.
- მოსახლეობის ჯანმრთელობის დაცვისა და სოციალური უზრუნველყოფისათვის - 1 222,7 ათასი ლარი.

ინფრასტრუქტურის რეაბილიტაცია

2023 წელს ინფრასტრუქტურის კუთხით არსებული საჭიროებების უზრუნველყოფად, რეგიონებში განსახორციელებელი პროექტების ფონდის, სახელმწიფო და ადგილობრივი ბიუჯეტების დაფინანსებით ხორციელდება 114 ინფრასტრუქტურული პროექტი.

ინფრასტრუქტურული პროექტები დაფინანსების წყაროების მიხედვით: რეგიონებში განსახორციელებელი პროექტების ფონდიდან - 15 პროექტი, ღირებულებით, 6 979 940 ლარი; ადგილობრივი ბიუჯეტიდან - 51 პროექტი, ღირებულებით 8 020 495 ლარი; სკოლების რეაბილიტაცია - 2 პროექტი, ღირებულებით 154 503 ლარი; „სოფლის მხარდაჭერის პროგრამა“ - 46 პროექტი, ღირებულებით 1 812 000 ლარი; მთის ფონდი - 1 პროექტი, ღირებულებით 611 000 ლარი.

საგზაო ინფრასტრუქტურის რეაბილიტაცია: 2023 წელს, მუნიციპალიტეტის ტერიტორიაზე, ჯამში 25 კილომეტრამდე სიგრძის გზა ეწყობა. ამ დროისთვის დასრულებულია 11 მასშტაბური პროექტი, გარდა ამისა, „სოფლის მხარდაჭერის პროგრამის ფარგლებში“ ადმინისტრაციულ ერთეულებში შიდა გზები წესრიგდება. ამ ეტაპზე, რეაბილიტაცია უტარდება ქალაქ ახალციხეში ბაგინაშვილისა და ტაბიძის ქუჩებზე, გზის 600 მეტრიან მონაკვეთს.

დასრულებული მასშტაბური საგზაო ინფრასტრუქტურული პროექტები:

- ასპინძის ქუჩის საავტომობილო გზის და სანიაღვრე კოლექტორის რეაბილიტაცია - მოეწყო გზის ნახევარ კილომეტრიანი მონაკვეთი;
- სოფლების საყუნეთი-ტყემლანის დამაკავშირებელი გზის რეაბილიტაცია - მოეწყო 2 კილომეტრი სიგრძის გზა;
- ქალაქ ახალციხეში ყაზბეგის ქუჩის რეაბილიტაცია - მოეწყო გზის ნახევარ კილომეტრიანი მონაკვეთი;

- ქალაქ ახალციხეში თამარაშვილის ქუჩის რეაბილიტაცია - ბეტონის საფარი დაიგო 619 მეტრიან მონაკვეთზე;
- ქალაქ ვალეში, მაჭარაშვილის ქუჩის რეაბილიტაცია - მოეწყო 1300 მეტრიანი მონაკვეთი;
- სოფელ მუგარეთში შიდა საავტომობილო გზის რეაბილიტაცია - მოეწყო გზის ნახევარ კილომეტრიანი მონაკვეთი;
- სოფლების გიორგიწმინდისა და ფერსის დამაკავშირებელი ე.წ. ზედა გზის რეაბილიტაცია - მოეწყო გზის 1300 მეტრიანი მონაკვეთი;
- სოფელ აწყურის ცენტრალური ცენტრალური გზის რეაბილიტაცია - მოწესრიგდა 1300 მეტრიანი მონაკვეთი;
- სოფელ ანდრიაწმინდის გზა - მოეწყო გზის 1200 მეტრიანი მონაკვეთი;
- სოფლების სამელი-ყულალისის დამაკავშირებელი გზა - ასფალტის საფარი დაიგო 1800 მეტრი სიგრძის გზაზე;
- სოფელ ანის გზა - ბეტონის გზა მოეწყო 800 მეტრიან მონაკვეთზე;

სასმელი წყლის სისტემების რეაბილიტაცია: ამ დროისთვის დასრულებულია ახალციხის მუნიციპალიტეტის სოფელ წინუბანსა და გურკელში სასმელი წყლის სისტემის სარეაბილიტაციო სამუშაოები და სოფელ სვირის სასმელი წყლის მაგისტრალის მილსადენის სარეაბილიტაციო სამუშაოები; ასევე, მიმდინარეობს სოფელ გიორგიწმინდის სასმელი წყლის სისტემის მოწყობა;

სარწყავი წყლის სისტემების რეაბილიტაცია: ქალაქ ვალეს ადმინისტრაციულ ერთეულში მიმდინარეობს ორი მასშტაბური პროექტი, კერძოდ ე.წ. „ბორახჩის“ და ე.წ. „წისქვილების“ სარწყავი სისტემის სატუმბო სადგურების სარეაბილიტაციო სამუშაოები;

სანიაღვრე არხების რეაბილიტაცია: სანიაღვრე კოლექტორი მოეწყო ქალაქ ახალციხეში ასპინძის ქუჩაზე; სანიაღვრე არხების მოწყობა, ასევე დაგეგმილია - რაბათის დასახლებაში ყაზბეგის ქუჩაზე, სოფლებში ზიკილიასა და ანში;

შენობების ფასადებისა და სადარბაზოების რეაბილიტაცია: მოსახლეობის საცხოვრებელი პირობების გაუმჯობესების მიზნით გრძელდება მრავალბინიანი საცხოვრებელი სახლების სახურავების რეაბილიტაცია. ამ დროისთვის დასრულებულია 10 კორპუსის რეაბილიტაცია. ინფრასტრუქტურული სამუშაოები ჩაუტარდა ქალაქ ვალეში, ცენტრალურ ქუჩაზე მდებარე 5 და ქალაქ ახალციხეში, კოსტავას, რუსთაველის, თამარაშვილის ქუჩებზე და ვარძის ჩიხში მდებარე 5 შენობას; ამ დროისთვის, მიმდინარეობს თამარაშვილის ქუჩაზე №29, №31-სა და №33-ში მდებარე მრავალსართულიანი კორპუსების ფასადებისა და სადარბაზოების რეაბილიტაცია; ასევე, სარეაბილიტაციო სამუშაოები დაგეგმილია თამარაშვილის ქუჩა №6-შიც.

საბავშვო ბაღები: ახალი საბავშვო ბაღების მშენებლობა მიმდინარეობს სოფელ აგარასა და სოფელ მუსხში; მიმდინარე წელს, ქალაქ ახალციხეში სადემონტაჟო სამუშაოები ჩაუტარდა №2 და №4 საბავშვო ბაღებს და მათ ადგილზე უახლოეს ხანში დაიწყება ახალი საბავშვო ბაღების მშენებლობა; სატენდერო პროცედურები მიმდინარეობს, ქალაქ ახალციხის №5 საბავშვო ბაღისა და ეზოს სარეაბილიტაციო სამუშაოების უზრუნველსაყოფად, რომლის მიზანია აღსაზრდელებისათვის შესაბამისი გარე სივრცის მოწყობა;

სკოლები: მუნიციპალური განვითარების ფონდის დაფინანსებით დასრულდა ახალი, თანამედროვე სტანდარტების მქონე საჯარო სკოლის მშენებლობა სოფელ ღრელში; დელეგირებული უფლებამოსილების ფარგლებში, მუნიციპალიტეტმა ახალი სასწავლო წლის დაწყებამდე განხორციელა სოფელ ჭვინთის საჯარო სკოლის სარეაბილიტაციო სამუშაოები და მოსწავლეებმა სწავლა განახლებულ გარემოში დაიწყეს; ასევე, მუნიციპალიტეტმა უზრუნველყო სოფელ ანდრიაწმინდის საჯარო სკოლაში გათბობის სისტემის მოწყობა;

„სოფლის მხარდაჭერის პროგრამა“: პროგრამის ფარგლებში ახალციხის მუნიციპალიტეტის ადმინისტრაციულ ერთეულებში შემავალ სოფლებში სხვადასხვა სახის 46 ინფრასტრუქტურული პროექტი ხორციელდება. მოსახლეობის მიერ არჩეულ პრიორიტეტებს შორის არის: შიდა გზები, გარე განათება, სასმელი და სარწყავი წყლის სისტემები, სანიაღვრე არხები, სკვერები და სხვა.

სკვერები და სპორტული მოედნები: სკვერები და საბავშვო გასართობი სივრცეები მოეწყო ქალაქ ახალციხეში, თამარ მეფისა და კოსტავას ქუჩებზე, ასევე №7 საჯარო სკოლის ტერიტორიაზე, ასევე ქალაქ ვალეში და სოფელ ზილიკიაში, ხოლო სოფელ ღრელში გრძელდება სამშენებლო სამუშაოები;

ახალი სკვერის მოწყობა ასევე დაგეგმილია ქალაქ ახალციხეში, რუსთაველის ქუჩა №111-ში, სადაც პროექტის ფარგლებში გასართობი და დასასვენებელი სივრცეები, გამწვანების ზოლი, საბავშვო და სპორტული მოედნები მოეწყობა;

ახალი სპორტული მოედნები მოეწყო ქალაქ ახალციხეში, რუსთაველის ქ. № 125-ში, ტაბიძის ქუჩაზე, ქალაქ ვალეში და ე.წ მეორე შახტის დასახლებაში, ასევე, სოფლებში - სხვილისში, ღრელში, მინაძეში, სვირსა და ელიაწმინდაში.

გარე განათების სისტემები: ამ დროისთვის, ქალაქ ვალესა და სოფლებში გურკელში, წინუბანში, აწყურში, წნისსა და ანში გარე განათების სისტემების მოწყობა დასრულებულია; წლის ბოლომდე, „სოფლის მხარდაჭერის პროგრამის ფარგლებში“ გარე განათებები მოეწყობა დამატებით 5 სოფელში;

პროგრამა „განახლებული რეგიონები“: მიმდინარე წელს, ქალაქ ახალციხეში, საქართველოს პრემიერ მინისტრის, ირაკლი ღარიბაშვილის ინიცირებული პროგრამის „განახლებული რეგიონების“ ფარგლებში, ურბანული განახლების პირველი ეტაპით გათვალისწინებული სამუშაოები დასრულდა. ქალაქის ცენტრალურ უბანში - თამარაშვილის, კოსტავას, ნათენაძის და კეცხოველის ქუჩებზე რეაბილიტაცია ჩაუტარდა შენობებს, მოეწყო ქალაქის ცენტრალური პარკი და სკვერები.

ჯანმრთელობის დაცვა და სოციალური მომსახურება

ახალციხის მუნიციპალიტეტის მერმა ირაკლი ლაზარაშვილმა აღნიშნა, რომ ახალციხის მუნიციპალიტეტის ერთ-ერთი პრიორიტეტული მიმართულებაა მოსახლეობის საჭიროებებზე მორგებული სოციალური პროგრამები და სამედიცინო მომსახურებასა და მედიკამენტებზე ხელმისაწვდომობის ზრდა. ამ მიმართულებით ადგილობრივ ბიუჯეტში 1 640 200 ლარია გათვალისწინებული.

2023 წლის ბიუჯეტიდან სოციალურ დახმარების გაცემის წესი 27 პროგრამული მუხლისაგან შედგება, საიდანაც პირველი 7 მუხლით განსაზღვრულია ჯანმრთელობის დაცვის პროგრამების დაფინანსება, ხოლო დანარჩენი 20 მუხლი კი მოიცავს სოციალური დახმარების პროგრამებს.

მიმდინარე წლის იანვრიდან ოქტომბრის ჩათვლით, მერიის სოციალური და ჯანდაცვის პროგრამებით ისარგებლა 2849-მა ბენეფიციარმა, რისთვისაც 1 289 675 ლარის ოდენობის თანხა დაიხარჯა. მათ შორის, ჯანდაცვის ქვეპროგრამებით დახმარება გაეწია 1532 ბენეფიციარს, ხოლო სხვადასხვა სახის სოციალური დახმარებით 1 317 -მა ბენეფიციარმა ისარგებლა.

რაც შეეხება, 2023 წელს ჯანდაცვის პროგრამებში განხორციელებული ცვლილებებს, 2022 წელს ქრონიკული დაავადების მქონე მოსახლეობისთვის მედიკამენტოზური მკურნალობის დაფინანსება განსაზღვრული იყო შემდეგი კატეგორიის ქრონიკული დაავადებებზე - ეპილეფსია, ცერებრული დამბლა, ფსიქიკური პრობლემები, გლავუკომა. 2023 წელს, მოსახლეობის მომართვიანობიდან და საჭიროებიდან გამომდინარე დაემატა ერთი ქრონიკული სახის დაავადება - გაფანტული სკლეროზი.

0-დან 12 წლის ასაკის ჩათვლით სპეციალური საჭიროების მქონე ბავშვთა რეაბილიტაციის პროგრამით, ასეთი საჭიროების მქონე ბავშვებისთვის სარეაბილიტაციო პროცედურები გასულ წელს ფინანსდებოდა 60%-ით, წლის განმავლობაში არაუმეტეს 1800 ლარისა. 2023 წელს შეიცვალა 70 %-ით და წლიური ლიმიტი გაიზარდა - 2000 ლარით.

აღნიშნა, რომ ბენეფიციართა ნაწილს რომლებიც „ახალციხის მუნიციპალიტეტის 2023 წლის ბიუჯეტიდან სოციალური დახმარების გაცემის წესით“ გათვალისწინებულ პირობებს ვერ აკმაყოფილებენ, დამატებითი დოკუმენტაციის წარდგენისა და შესწავლის საფუძველზე დახმარებას მერიის სარეზერვო ფონდიდან ეწევათ.

ასევე ხაზგასასმელია, შშმ პირების ხელშეწყობის მიზნით მოქმედი სხვადასხვა პროგრამებიც. მიმდინარე წელს 13 უსინათლო ბენეფიციარისათვის შეძენილი იქნა ხმოვანი წნევის აპარატები. აღნიშნული პროგრამა მომავალ წელსაც გაგრძელდება და ბენეფიციარებს ხმოვანი წნევის აპარატები და გლუკომეტრები გადაეცემათ.

მუნიციპალიტეტის მერმა დეტალურად ისაუბრა კულტურულ და სპორტულ ღონისძიებებზე. ამ მიმართულებით ბიუჯეტში გათვალისწინებულია 452 600 ლარი. აღნიშნა, რომ 2023 წელს, ოქტომბრის თვის ჩათვლით ახალციხის მუნიციპალიტეტის მერიის განათლების, კულტურისა და სპორტის სამსახურის ორგანიზებით გაიმართა 82 ღონისძიება, მათ შორის:

- განათლების, სპორტის, ახალგაზრდობის და ტურიზმის განყოფილების მიერ ჩატარდა 46 ღონისძიება, რისთვისაც დაიხარჯა 185 160 ლარი;

- კულტურისა და გენდერული თანასწორობის განყოფილების მიერ ჩატარდა 36 ღონისძიება, დაიხარჯა 100 815 ლარი;

სამუშაო გეგმით გათვალისწინებული ქვეპროგრამის „ახალციხის მერის სტიპენდიები წარჩინებულ სტუდენტებს“, ფარგლებში, მერის სტიპენდია მიიღო სამცხე-ჯავახეთის სახელმწიფო უნივერსიტეტის 63 წარჩინებულმა სტუდენტმა, ფულადი წახალისების სახით გაიცა 31 500 ლარი.

ახალციხის მუნიციპალიტეტის მერიის ინიციატივით, მიმდინარე წლიდან განხორციელება დაიწყო მუნიციპალიტეტის ტერიტორიაზე არსებული საჯარო და კერძო სკოლების კურსდამთავრებულთა 100 % -იანი სასწავლო გრანტის მფლობელთა ფულადი ჯილდოს გაცემის პროექტმა. ამ ეტაპზე, შემოსულია 7 განაცხადი და მიმდინარეობს მათი განხილვა

გარდა ამისა, დელეგირებული უფლებამოსილების ფარგლებში წარმატებით ხორციელდება „სკოლების მოსწავლეთა ტრანსპორტირების პროგრამა“, რომლის საერთო ღირებულება 339 839 ლარია. პროგრამის ფარგლებში სრულდება 46 მარშრუტის 110 მიმართულება, რითაც სარგებლობს 19 სკოლის 724 ბენეფიციარი.

ახალგაზრდული საბჭო: მერმა აუდიტორიას, მუნიციპალიტეტში შექმნილი „ახალციხის ახალგაზრდული საბჭოს“ საქმიანობაზე მიაწოდა ინფორმაცია და აღნიშნა, რომ ახალგაზრდები აქტიურად არიან ჩართული სხვადასხვა პროექტებსა თუ აქტივობებში. მისივე თქმით, ახალციხის მუნიციპალიტეტის მერიისა და ახალგაზრდული საბჭოს ორგანიზებით, ახალგაზრდობის საერთაშორისო დღესთან დაკავშირებით, ახალციხის ციხის ციტადელზე, ახალგაზრდული რეგიონული ფორუმი გაიმართა, რომლის მიზანს წარმოადგენდა რეგიონში ახალგაზრდების ხელშეწყობისა და ახალგაზრდული პოლიტიკის ეფექტური განხორციელებისათვის საჭირო კოორდინირებული თანამშრომლობა.

საახალწლო ღონისძიებები: დეკემბერის ბოლოს, განათლების, კულტურისა და სპორტის სამსახურის ორგანიზებით, ქალაქ ახალციხის ცენტრალურ ნაწილში, საახალწლოდ აენთება ახალი ულამაზესი ნაძვის ხე. საახალწლო დღეებში გაიმართება საზეიმო ღონისძიებები და საახალწლო კონცერტები, როგორც ადგილობრივი, ისე მოწვეული მუსიკოს-შემსრულებლების მონაწილეობით.

პრეზენტაციის ბოლოს ახალციხის მუნიციპალიტეტის მერმა მუნიციპალიტეტს დაქვემდებარებული იურიდიული პირების მიერ გაწეული საქმიანობაც შეაჯამა.

ირაკლი ლაზარაშვილმა ყურადღება გამახვილა 2024 წლის გეგმებზე, განსახორციელებელ ინფრასტრუქტურულ პროექტებზე და მთავარ პრიორიტეტებზე. როგორც, მუნიციპალიტეტის ხელმძღვანელმა აღნიშნა, მომავალი წლის დასაწყისიდან ქალაქ ახალციხეში და ადმინისტრაციულ ერთეულებში ოპერირებას დაიწყებს საზოგადოებრივი ტრანსპორტი და წლების განმავლობაში არსებული პრობლემა მოგვარდება. მერმა, ისაუბრა სოფელ თისელთან დამაკავშირებელი გზის დარჩენილი, 3 კილომეტრიანი მონაკვეთის რეაბილიტაციაზეც, რომლის პროექტი მზად არის და იგეგმება ტენდერის გამოცხადება, სამუშაოების განხორციელების შედეგად კი მთლიანად დასრულდება აწყური-თისელის გზის კეთილმოწყობა. ასევე მომავალ წელს იგეგმება, ქალაქ ახალციხეში რამდენიმე ქუჩაზე, მათ შორის გამსახურდიას, რუსთაველის, სარგის ჯაყელის ქუჩების შიდა გზების

რეაბილიტაცია, საუბარი შეეხო ღია სპორტული არენის, კინო კლუბის და ძუსიკალური სკოლისთვის ახალი შენობის აშენებას. რაც შეეხება, ამჟამად არსებულ სამუსიკო სკოლას, მუნიციპალიტეტი გეგმავს შენობას დაუბრუნდეს კულტურული მემკვიდრეობის ძეგლის, ორბელიანის სასახლის სახე, რომელიც მომავალში ფუნქციონირებას გააგრძელებს, როგორც ერთ-ერთი მნიშვნელოვანი კულტურული ცენტრი - ხელოვნების სასახლე. კვლავ გაგრძელდება მრავალბინიანი საცხოვრებელი კორპუსების ფასადებისა და სადარბაზოების რეაბილიტაცია. ქალაქ ახალციხეში დაგეგმილია ხუთი სპორტული მოედნის განახლება. ახალი სპორტული მოედნები მოეწყობა ქალაქ ახალციხეში პეტრე იბერიის ქუჩაზე. შპს მელიორაციამ მუნიციპალიტეტს გადასცა ტერიტორია თაყაიშვილის ქუჩაზე, სადაც ასევე ახალი სპორტული მოედანი მოეწყობა.

საბჭოს სხდომაზე მერმა აქცენტი გააკეთა 2024 წლის ბიუჯეტის პროექტის პარამეტრებზე და აღნიშნა, რომ მუნიციპალიტეტის მერიისთვის ძირითად პრიორიტეტებად კვლავ რჩება ინფრასტრუქტურის განვითარება, ჯანმრთელობისა და სოციალური საკითხების დაცვა, განათლება და კულტურა. მისვე თქმით, ეს ის მიმართულებებია, რომლებიც ორიენტირებულია მოსახლეობის მხარდაჭერაზე, ცხოვრების დონის ამაღლებაზე და სოციალურ-ეკონომიკური მდგომარეობის გაუმჯობესებაზე. ყურადღება გაამახვილა ბიუჯეტის ზრდის ტენდენციაზე.

თავის მხრივ, „სამოქალაქო მრჩეველთა საბჭოს“ წევრებმა გამოთქვეს მოსაზრებები და თავიანთი იდეები და წინადადებები გააცნეს მუნიციპალიტეტის ხელმძღვანელს. ირაკლი ლაზარაშვილმა მათ მიერ დასმულ შეკითხვებს უპასუხა.

საბჭოს წევრი, გურამ ჯინჭველაძე, დაინტერესდა თუ რა ეტაპზეა ახალციხის მუნიციპალიტეტის 2024 წლის ბიუჯეტის პროექტის მომზადება.

მერმა აღნიშნა, რომ ბიუჯეტის პროექტი უკვე გადაგზავნილია საკრებულოში, საჯარო განხილვა კი 24 ნოემბერს გაიმართება.

გურამ ჯინჭველაძემ ქალაქ ახალციხეში თაბუკაშვილისა და ორბელიანის ქუჩების ცალმხრივად მოძრაობის იდეა გააჟღერა და აღნიშნა, რომ კარგი იქნება თუ აღნიშნულ ქუჩებზე ერთი ზოლი პარკინგს დაეთმობა. ასევე, საჩვენებელი სატუმბი სადგურის მოწყობაზე ისაუბრა, რომელიც შესაძლებელია გაკეთდეს ისრაელის მაგალითზე და იქნება წვეთოვან სარწყავ სისტემაზე მორგებული. მისი აზრით აღნიშნული სატუმბი სადგურების მოწყობა იქნება ძალიან ეფექტური.

ბელა ავალიშვილმა დადებითად შეაფასა ქალაქ ახალციხეში რუსთაველის ქუჩა №111-ში სკვერის მოწყობის სამუშაოები და აღნიშნა, რომ ქალაქს ძალიან კარგი ახალი სკვერი შეემატება. ირაკლი ლაზარაშვილმა კოლეჯ „ოპიზარს“ და მის ხელმძღვანელს მადლობა გადაუხადა აღნიშნული ტერიტორიის გადმოცემისთვის.

ასევე, ბელა ავალიშვილმა ქალაქის წყალმომარაგებით უზრუნველყოფასთან დაკავშირებით დასვა შეკითხვა.

ირაკლი ლაზარაშვილმა განაცხადა, რომ ქალაქის ქსელი მოძველებულია. ამ ეტაპზე, გამოცხადებულია საპროექტო-სამშენებლო ტენდერი, რომლის ღირებულება 40 მილიონი ლარია. გაზაფხულზე დაიწყება სამუშაოები და მთლიანად შეიცვლება კომუნიკაციები.

საბჭოს წევრი, ნიკოლოზ ხიზაძე ქალაქ ვალეში პროფესიული სასწავლებლის გახსნის საკითხით დაინტერესდა. მერმა უპასუხა, რომ ამ მიმართულებით მიმდინარეობს მუშაობა.

ასევე, დაინტერესდა, განსაზღვრულია თუ არა ტრანსპორტით მგზავრობის საფასური და გადაადგილების გრაფიკი.

ირაკლი ლაზარაშვილმა აღნიშნა, რომ მუნიციპალიტეტისთვის ერთ-ერთ უმნიშვნელოვანეს პრიორიტეტს წარმოადგენდა თანამედროვე სტანდარტების მქონე საზოგადოებრივი ტრანსპორტის მომსახურებით მოსახლეობის უზრუნველყოფა. სწორედ არსებული საჭიროებიდან გამომდინარე დაფუძნებული იქნა სატრანსპორტო ორგანიზაცია და მიმდინარე წელს გამოცხადებული კონსოლიდირებული ტენდერის შედეგად მუნიციპალიტეტს მალე 18 ერთეული ავტო სატრანსპორტო საშუალება ეყოლება. ავტობუსების მოძრაობის გრაფიკი მოსახლეობის მოთხოვნების გათვალისწინებით შედგება. არის სოფლები, სადაც უფრო ინტენსიური მოძრაობაა და დღეში რამდენიმე რეისი იქნება დანიშნული, შედარებით მცირე დასახლებიან სოფლებში კი უფრო ნაკლები. ასევე გავითვალისწინებთ ქალაქში დასაქმებული ადამიანების პრობლემასაც, რომ სადამოს სახლებში დაბრუნება შეძლონ.

გარდა ამისა, მიმდინარე წელს მუნიციპალიტეტმა შეიძინა სხვადასხვა სახის ტექნიკა, კერძოდ, მტვერსასრუტი, სარწყავი მანქანა, თოვლის საწმენდი მანქანა და სხვა. მერის, თქმით, აღნიშნული ტექნიკა მომავალში მნიშვნელოვნად გააადვილებს შესაბამისი სამსახურების მხრიდან საჭირო ღონისძიებებისა და სამუშაოების ჩატარებას ყველა სეზონზე.

საბჭოს წევრმა თამუნა კაპანაძემ, უპატრონო და მიუსაფარი ძაღლების პრობლემის საკითხი დასვა და გააჟღერა იდეა, რომ ქალაქში მოხალისეების ჩართულობით შეიქმნას სივრცეები, სადაც უპატრონოდ დარჩენილი ძაღლებისთვის სახლები გაკეთდება.

მერმა აღნიშნა, რომ ამ საკითხის მოსაგვარებლად მიმდინარეობდა მოლაპარაკება, ბორჯომის ტერიტორიაზე ინტერმუნიციპალური თავშესაფრის მშენებლობაზე, თუ არ მოხდა ყველა მუნიციპალიტეტის ჩართულობა, სამწუხაროდ მხოლოდ ახალციხის მუნიციპალიტეტი ვერ გაუმკლავდება არსებულ პრობლემას. მისი თქმით, ამ ეტაპზე, ძაღლების გადაყვანა ხდება თბილისსა და გორში, სადაც უტარდებათ შესაბამისი პროცედურები და შემდგომ კვლავ უბრუნდებიან ბუნებრივ არეალს.


შალვა ტაბატაძემ ქალაქის მასშტაბით არსებულს სკვერებსა და პარკებში ვანდალიზმის გახშირებულ ფაქტებზე ისაუბრა და აღნიშნა, რომ კარგი იქნებოდა ვიდუო კამერების მემწეობით დაზიანების ფაქტების გამოვლენა და შესაბამისი რეაგირების მოხდენა.

ირაკლი ლაზარაშვილმა განაცხადა, რომ პარკების და სკვერების უმეტესობა უკვე აღჭურვილია ვიდუო კამერებით, რომლებიც მალე ჩაერთვება, მოხდება კონკრეტული ფაქტების ამოღება და შესაბამისი სანქციებიც დაწესდება.

შეხვედრა კითხვა-პასუხის რეჟიმში მიმდინარეობდა, სხდომის დასასრულს ბელა ავალიშვილმა გააჟღერა ინიციატივა, რომ მომდევნო საბჭოს სხდომა კოლეჯ „ოპიზარში“ ჩატარდეს, სადაც საბჭოს წევრებს და მუნიციპალიტეტის წარმომადგენლებს გააცნობს კოლეჯის საქმიანობას და სამომავლო გეგმებს. საბჭოს წევრებმა აღნიშნული ინიციატივა მოიწონეს და მზაობა გამოთქვეს გასვლით სხდომაში მონაწილეობაზე.

ახალციხის მუნიციპალიტეტის მერის „სამოქალაქო მრჩეველთა საბჭოს“ წევრები:

1 ნუგზარი თათეშვილი




2 ცირა მესხიშვილი



3 ამალია სარქისიან

4 ნინო რუხაძე

5 ზელა ავალიშვილი




6 ომარი ჯაყელი

7 ნონა ონიანი

8 აშოთ კავალერიან

9 გურამი ჯინჭველაძე



10 მაია გაჩეჩილაძე

11 ბიჭიკო მოდებაძე

12 ჯაბა ნათუნაძე


13 გიორგი ბუცხრიკიძე



14 მერაბი ბერიძე

15 მაკა ბერიძე

16 შალვა ტაბატაძე









17 ნიკოლოზ ხიზაძე



18 ციური ლაფაჩი



- 19 ვასილი კვინცხაძე _____
- 20 თამარ კაპანაძე  _____
- 21 ალექსანდრე ლომსაძე  _____
- 22 ნინო ხაზალაშვილი  _____
- 23 მანუჩარ გოგოლაური _____
- 24 რომან მაისურაძე  _____
- 25 ნათია ტაბლიაშვილი _____
- 26 ნატალი სისვაძე  _____
- 27 მეგი თათეშვილი  _____